

玉函山房輯佚書

毛詩王氏注四卷魏王肅撰肅有周易尚書注已各著錄其注毛詩隋唐志並二十卷隋志注梁有二十卷鄭元王肅合注蓋魏晉人取肅注次鄭箋後以便觀覽非肅別有注也今并佚輯錄四卷其說申述毛旨往往與鄭不同案鄭箋毛詩而時參三家舊說故傳箋互異者多正義於毛鄭皆分釋之凡毛之所略而不可以鄭通之者卽取王注以爲傳意間有申非其旨而什得六七歐陽脩本義引其釋邶風擊鼓五章謂鄭不如王亦持平之論也歷城馬國翰竹吾市

毛詩王氏注卷一

魏 王肅 撰

毛詩國風

周南關雎詁訓傳第一

關雎

序 哀窈窕思賢才而無傷善之心焉

哀窈窕之不得思賢才之良質無傷善之心焉若

苟慕其色則善心傷也

孔穎達正義

善心曰窈善容口

窈

陸德明釋文禮部韻畧卷三並引王肅正義引作揚雄蓋肅述雄語也

毛詩王氏注

卷一

一如婦人利也
十四卷三十四

左右采之

左右如字

釋文

寤寐思服

服膺思念之

正義

鐘鼓樂之

自關雎至采芣后妃房中之樂

正義

房中之樂弦歌

周南召南而不用鐘磬之節

陳暘樂書卷一百十三

葛之覃兮施于中谷

葛生於此延蔓於彼猶女之當外成也

正義

采采芣苢

周書王會云芣苢如李出於西戎

同止

怒如調飢

飢而又飢飢之甚也

李樗黃極集解卷二

魴魚頰尾王室如燬

當紂之時大夫行役

正義

召南鵲巢詒訓傳第二

百兩御之

御魚據反待也

釋文

于以奠之宗室牖下誰其尸之有齊季女

此篇所陳皆是大夫妻助夫氏之祭采蘋藻以爲
菹設之於奧與卽牖下毛傳禮之宗室謂教之以
禮於宗室本之季女取微主也牲用魚芼之以蘋
藻亦謂教成之祭非經文之蘋藻也

正義

邶鄘衛

邶鄘衛者殷紂畿內地名屬古冀州自紂城而北
曰邶南曰鄘東曰衛衛在汲郡朝歌縣時康叔止
封于衛其末子孫稍并兼彼二國混其地而名之

作者各有所傷，從其本國而異之，故有邶鄘衛之

詩

釋文引鄭云王肅同

案鄭譜南謂之邶，王肅

以爲邶在紂之西，此同云南或注初從鄭後作義駁以爲在西也

邶柏舟詁訓傳第三

汎彼柏舟，亦汎其流。

汎汎流貌。

釋文云汎流貌，本或作汎汎流貌者，從王肅注加。

綠兮衣兮，綠衣黃裳。

夫人正嫡而幽，微妾不正而尊顯。

正義

逝不相好。

好如字

釋文引王
崔申毛

願言則噫

願以母道往加之則噫劫而不行

正義

爰居爰處

自爰居而下三章衛人從軍者與其室家訣別之

辭

歐陽脩本
義卷二

死生契闊與子成說執子之手與子偕老

言國人室家之志欲相與從生至死契闊勤苦而

不相離相與成男女之數扶持俱老

正義

日之方中在前上處

教國子弟以日中爲期欲其徧至

過臻于衛不遐有害

言願疾至於衛不遠禮義之害

並同上

彤管有煒說懌女美

嘉彤管之煒煒然喜樂其成女美也

正義

說懌上音

悅下音亦

釋文引毛王

籩簞不鮮

鮮少也

釋文

籩條不殄

殄亦少也

正義

邠柏舟詁訓傳第四

王城以西曰邠也

釋文

玼兮玼兮

顏色衣服鮮明貌

釋文沈重引王肅

璫兮璫兮

好美衣服潔白之貌

同上沈引王肅注陸氏云今

言也案沈此周人或所見王肅本後不釋不如沈所

有此注後人以近複削之據補

良馬五之

古者一轅之車駕三馬則五轡其大夫皆一轅車
夏后氏駕兩謂之麗殷人益一駢謂之駢周人又
益一駢謂之駟木從一驂而來亦謂之驂經言驂
則三馬之名正義

衛淇奥詁訓傳第五

紂都之東也

釋文引鄭
王俱云

考槃在澗碩人之寬獨寐寤言永矢弗諼考槃在阿
碩人之邁獨寐寤歌永矢弗過

毛詩王氏注

卷一

五 鄭頌館補校

窮處山澗之間而能成其樂者以夫人寬博之德
故雖在山澗獨寐寤覺獨言先王之道長自誓不
敢忘也美君子執德宏信道篤也歌所以詠志長
以道自誓不敢過差

正義

螾首蟻眉

螾似蟬而小

釋文

桑之落矣其黃而隕自我徂爾三歲食貧

言其色黃而隕墮也婦人不慎其行至於色衰無
以自託我往之汝家從華落色衰以來三歲食貧

矣貧者乏食飢而不充喻不得志也

正義

隰則有泮

泮陂也

毛傳泮陂也釋文云本或作破字未詳觀王肅述意似作破

王季離詁訓傳第六

彼采蕭兮

取蕭祭脂是蕭所以供祭祀也

正義

將其來施施

將如字

釋文

鄭緇衣詁訓傳第七

駟介旁旁

旁旁疆也

釋文

舍命不渝

舍受也

山有橋松

橋高也

並同上

侯我乎堂兮

升子堂以侯

止義

有女如荼

見乘又遭兵革之禍故皆喪服也

野有蔓草零露漙兮

草之所以延蔓被盛露也民之所以能蕃息蒙君

澤也

並同上

齊雞鳴詒訓傳第八

尙之以瓊華乎而

以美石飾象璜也

正義

東方之日兮

言人君之明盛刺今時之昏闇

毛詩王氏注

卷一

七 如媛館補校

履我卽兮

傳履禮也言古婚姻之正禮刺今之淫奔

既日歸止曷又懷止

文姜既嫁於魯適人矣何爲復思與之會而淫乎

並同上

葛屨五兩

雨如字

釋文

做笱在梁其魚魴鱖

言魯桓之不能文姜若做笱之不能制六魚也

正義

魏葛屨詒訓傳第九

言采其莫

大夫采莫

正義引王肅孫毓

陟彼岵兮

多草木岵

爾雅釋山多草木岵無草木岵釋文云岵音戶此傳及解岵與爾雅不同王肅

依爾雅邢昺爾雅疏亦云王肅依爾雅

陟彼屺兮

無草木屺

見上

唐蟋蟀詒訓傳第十

職思其居

其居主思以禮樂自居也其外言思無越於禮樂也其憂言荒則憂也

正義

椒聊之實蕃衍盈升

椒芬芳之物

周頌釋文引唐風椒聊王注

種一實蕃衍滿一升

正義

頭大無朋

傳朋比也比必履反謂無比例也

釋文引王肅孫訓

三星在天

謂十月也正義引王肅述毛一節別輯入問辨
注應本之爲說此及下在隅在戶節文

今夕何夕見此良人

婚姻不得其時故思詠嫁娶之夕而欲見此美室

也正義

三星在隅

謂在東南隅又在十月之後也謂十一月十二月也

三星在戶

言參星正中直戶謂正月中也

子兮子兮如此粲者何

傳云三女爲粲大夫一妻二妾言在位者亦不能及禮也

豈無他人維子之故

我豈無他國可歸乎維念子與我有故舊也

角枕粲兮錦衾爛兮予美亡此誰與獨旦

傳齊則角枕錦衾見夫齊物感以增思

並同上

人之爲言

正義云王肅讀本皆作爲言定本作爲言

秦車鄰詁訓傳第十一

車鄰美秦仲也秦仲始大有車馬禮樂侍御之好焉
秦爲附庸世處西戎秦仲脩德爲宣王大夫遂誅

西戎是以始大

正義

公之媚子

卿大夫稱子

同上

小戎美襄公也

小戎駕兩馬者

釋文陸佃
埤雅卷十二

龍盾之合

合而載之以為車蔽也正義

所謂伊人在水一方

維得入之道乃在水之一方一方難至矣水以喻

禮樂能用禮則至於道也同上

隰有六駮

傳駮如馬齧牙食虎豹言六據所見而言也倨牙

者蓋謂其牙倨曲也言山有木隰有獸喻國君宜

有賢也正義 王質詩總 同卷六引言六句

豈曰無衣與子同袍

豈謂子無衣乎樂有是袍與子爲朋友同共弊之
以興上與百姓同欲則百姓樂致其死如朋友樂
同衣袍也

正義

王于興師脩我戈矛

疾其好攻戰不由王命故思王與師

於我乎夏屋渠渠今也每食無餘

屋則立之於先君食則受之於今君故居大屋而

食無餘

並同上

陳宛丘話訓傳第十二

毛詩王氏注

卷一

十一 鄭笺館補校

穀且于差

釋文且鄭音且本亦作且引王七也反云云知王本作且

且七也反苟且也差音嗟

釋文

越以酸邁

酸數績麻之縷也

正義

泌之洋洋可以樂飢

洋洋泌水可以樂道忘飢巍巍南面可以樂治忘

亂

可與晤歌

可以與相遇歌樂室家之事

匪適株林從夏南

言匪欲適株林從夏南之母反覆言之疾之也

乘我乘駒朝食于株

傳大夫乘駒陳大夫孔寧儀行父與君淫于夏氏

並同上

檜羔裘詒訓傳第十三

周武王封祝融之後於濟洛河潁之間爲檜子

釋文

引作封之范處義補傳卷十
三引作封祝融之後據補

庶見素冠兮

素冠大祥之冠

正義

爾七月詒訓傳第十五

田畯至喜

喜如字

釋文

殆及公子同歸

幽君既脩其政又親使公子躬率其民同時歸也

正義

七月鳴鴈

蟬及鴟皆以五月始鳴今云七月其義不通也古

五字如七

正義

春秋左傳昭十七年正義引王肅云七當作五古文五字似七故誤

恩斯勤斯鬻子之閔斯

勤惜也周公非不愛惜此二子以其病此成王

正義

迨天之未陰雨徹彼桑土綢繆牖戶

鴟鴞及天之未陰雨剝取彼桑根以纏緜其戶牖

以興周室積累之艱苦也

今女下民或敢侮予

今者今周公時言先王致此大功至艱難而其下民敢侵侮我周道謂管蔡之屬不可不遏絕以全

周室

曰予未有室家

我爲室家之道至勤苦而無道之人弱我稚子易
我王室謂我未有室家之道

予室翹翹風雨所漂搖予維音曉曉

言盡力勞病以成攻堅之巢而爲風雨所漂搖則
鳴音曉曉而懼以言我周累世積德以成篤固之
國而爲凶人所振蕩則己亦曉曉而懼

並同上

勿士行枚

行戶剛反

釋文

倉庚于飛熠熠其羽

倉庚羽翼鮮明以喻嫁者之盛飾

正義

既破我斧又缺我斨

今四國乃盡破其用

同上

伐柯美周公也周大夫刺朝廷之不知也

朝廷斥成王

正義

既作東山又追作此詩以刺王

同上

伐柯伐柯匪斧不克

能執治國家之斧柄其唯周公乎是喻周公能執

禮也

正義

伐柯伐柯其則不遠

言有禮君子恕施而行所以治人則不遠

我覲之子籩豆有踐

我所見之子能以禮治國踐行列之貌籩豆行禮之物也

九罭之魚鱒魴

以興下土小國不宜久留聖人

鴻飛遵渚

以與周公大聖有定命之功不宜久處下土而不見禮迎

公歸不復

未得所以反之道

無使我心悲兮

公久不歸則我心悲是大夫作者言己悲也

公孫碩膚赤烏几几

言周公所以進退有難者以侯王之長大有大美

之德能服盛以行禮也

並同上

毛詩王氏注卷二

毛詩小雅

鹿鳴之什詒訓傳第十六

人之好我示我周行

謂羣臣嘉賓也夫飲食以饗之瑟笙以樂之幣帛以將之則能好愛我好愛我則示我以至美之道

矣正義

是用作歌將母來諗

是用作歌以勞汝乃來念養母也

駢駢征夫每懷靡及

使臣之行必有上介衆介雖多內懷中和之道猶自以無所及是以驅馳而咨諏之

載馳載驅周爰咨詢

傳云兼此五者雖有中和富自謂無所及成於六德也雖有中和者卽上每雖懷是也

常棣之華鄂不韡韡

不韡韡言韡韡也以與兄弟能內睦外禦則強盛而有光耀若常棣之華發也

凡今之人莫如兄弟

管蔡之事以次而爲常棣之歌爲來今

伐木丁丁鳥鳴嚶嚶

鳥聞伐木驚而相命嚶嚶然故曰丁丁嚶嚶相切
直以與朋友切切節節

小人所腓

所以避患也

並同上

魚麗美萬物盛多能備禮也文武以天保以上治內
采芣以下治外始於憂勤終於逸樂故美萬物盛多

可以告於神明矣

常棣之作在武王既崩周公誅管蔡之後而在文
武治內之篇何也夫刑于寡妻至于兄弟以御于
家邦此天王之行也閔管蔡之失道陳兄弟之恩
義故內之于文武之正雅以成燕羣臣燕兄弟燕
朋友之樂歌焉

詩大小雅譜正義
引魚麗序下王傳

南有嘉魚之什詁訓傳第十七

烝然罩罩

烝衆也

釋女

君子有酒嘉賓式燕以樂

在位朝廷之求賢

正義引王肅孫毓

受言藏之

我藏之以示子孫也

正義

一朝醕之

醕報功也

六月宣王北伐也

宣王親伐玁狁出鎬京而還使吉甫追伐追逐乃

至於太原

並同上

共武之服

共音恭

釋文引王徐

侵鎬及方

鎬京師

釋文正義云王肅以爲鎬京

鴻雁之什詁訓傳第十八

夜未央

央旦未旦夜半是也

正義

夜未艾

艾久也毛意艾取名者艾艾者是年之久從幼至

艾爲年久似從昏至旦爲夜久昏似幼且似艾言
夜未於久亦是未至於旦未艾與未央其意同也
我行其野蔽芾其樗

行遇惡木言己適人遇惡人也

斯干宣王考室也

宣王脩先祖宮室儉而得禮

並同上

噲噲其正嘖嘖其冥

傳正長也冥幼也長丁丈反幼如字

釋文

宣王之臣

長者寬博噲噲然少者閑習嘖嘖然夫其所與翔

於平正之筵列於高大之楹皆少長讓德有禮之

士所以安也正義

節南山之什詒訓傳第十九

節彼南山有實其猗

南山高峻而有實之使平均者以其草木之長茂

也師尹尊顯而有益之使平均者以用眾士之智

能刺今專己不肯用人以至于不平也正義

天子是埤釋文毗婢比反王作埤

埤厚也釋文

不自爲政卒勞百姓

言政不由王出也

正義

不愆其心覆怨其正

覆猶背也師尹不定其心邪僻妄行政下民皆怨其長

民之無辜并其臣僕

今之王者好陷入人罪無辜下至於臣僕言用刑趣重

既克有定靡人弗勝

王既有所定皆乘陵之事言殘虐也

謂天蓋高不敢不局謂地蓋厚不敢不踏

言天高己不敢不曲身危行恐上觸忌諱也地厚己不敢不累足懼陷於在位之羅網也

洽比其鄰昏姻孔云

言王但以利比其鄰近左右與昏姻其親友而已不能親親以及遠

家伯冢宰

宰小宰

並同上

曰予不臧

釋文臧在頁反王作臧

臧善也

釋文

淪胥以鋪

鋪病也

同上

周宗既滅靡所止戾

周室爲天下所宗其道既滅將無所止定正義

正大夫離居莫知我勩

長官大夫我之賢友奔走竄伏與我離居我勞病

莫之知也故下章思之欲遷還於王都同上

民雖靡靡

靡火吳反大也

釋文

正義

無火有人言少也

正義

飲酒溫克

溫如字柔也

釋文

教誨爾子

王者作民父母故以民爲子

正義

亂之初生僭始既涵

言亂之初生讒人數緣事始自入盡得容其讒言

有漸也

躍躍免遇犬獲之

言其雖騰躍逃隱其迹或適與犬遇而見獲

二人從行

二人俱爲王卿相隨而行

伯氏吹壘仲氏吹箎

我與女同寮長幼之官如壘箎之相和

巷伯刺幽王也

今後宮稱永巷是宮內道名也伯長也士宮內道
官之長人主於羣臣貴者親近賤者疏遠士宮內

者皆奄人奄人之中此官最近人主故謂之巷伯

也

並同上

誰適與謀

適都歷反

釋文引王徐

谷風之什詒訓傳第二十

四月維夏六月徂暑

時人以夏四月行役至六月暑往未得反只闕二

時之祭後當復闕二時也

正義

先祖匪人胡寧忍予

征役過時曠廢其祭祀我先祖獨非人乎王者何
爲忍不憂恤我使我不得脩子道同上
廢爲殘賊

廢大也

釋文

匪鵠匪鳶翰飛戾天匪鱣匪鮪潛逃于淵

以言在位非鵠鳶也何則貪殘驕暴高飛至天時

賢非鱣鮪也何爲潛逃以避亂

正義

鼓鐘將將淮水湯湯

傳云會謂侯于淮上鼓其淫樂以示諸侯凡作樂

而非所則謂之淫淫過也幽王既用樂不與德比
又鼓之於淮上所謂過也桑間濮上亡國之音非
徒過而已

以往烝嘗

舉盛言也

或剝或亨或肆或將

分齊其肉所常用則是既陳於平就牛上而齊之
也或肆或將其事俱在或亨之前以二者事類相
將故進或亨於上以配或剝耳

或燔或炙

取腓骨燔燎報陽也

並同上

既齊既稷既匡既飭

齊如字整齊也

釋文

執事已整齊已極疾已誠正已

固慎也

正義

甫田之什詒訓傳第二十一

歲取十千

太平之時天下皆豐故不繫之於夫井不限之於
斗斛要言多取田畝之收而已

正義

三十一
攸介攸止

介大也

釋文

是君子治道所大功所定止

以介我稷黍以穀我士女

大得我稷黍以善我男女言倉廩實而知禮節也

並同上

曾孫來止以其婦子饁彼南畝田畯至喜攘其左右
嘗其旨否

攘如字

釋文

曾孫來止親循畝畝勸稼穡也農夫務

事使其婦子並饁饋也田畯之至喜樂其事教農

以間暇攘田之左右除其草萊嘗其氣旨土和美

與否也

正義

以我覃耜俶載南畝

俶始也載事也言用我之利耜始發事於南畝也

正義

文選卷三十謝元暉和伏武昌登孫權故

城詩李善注引俶始載事南畝下並有也字據補

剝下脫

耜字

乘馬在廐

乘繩證反四馬也

釋文引王徐

有頰者弁實維伊何

言無常也與有德者則戴頰然之弁矣

正義

有頰者弁實維何期

期如字

釋文

言冕其在人之無期也其意以傷王無

德將不戴弁

正義

觀爾新昏以慰我心

慰怨恨之義

釋文

新昏謂褒姒也大夫不遇賢女而

後徒見褒姒讒巧嫉妬故其心怨恨

正義

大侯既抗弓矢斯張

幽王飲酒無度故言燕禮之義

正義

酌彼康爵以奏爾時

奏中者以飲不中者

式勿從謂

用其辭時勿從而謂

並同上

魚藻之什詒訓傳第二十二

采菽采菽筐之筐之

筐筥受所采之菜牢禮所以待來朝諸侯

觴沸檻泉言采其芹

泉水有芹而人得采焉王者有道而諸侯法焉

毛詩王氏注卷二

十一

鄭氏補注

毋教猱升木如塗塗附

教猱升木必也如以塗之必著

並同上

莫肯下遺式居婁驕

遺如字婁力住反數也

釋文

上帝甚

上帝斥王

正義引王肅孫毓

充耳琇寶

以美石爲瑱塞寶其耳

正義

謂之尹吉

正而吉也易繫辭云吉人之辭寡

五日爲期六日不詹

五日一御大夫以下之制

並同上

中心藏之

藏才郎反

釋文

白華菅兮白茅束兮

白茅束白華以興夫婦之道宜以端成絜白相申

束然後成室家也

正義

天步艱難之子不猶

天行艱難使下國化之以倡爲不可故也

同上

嘯歌傷懷念彼碩人

碩人謂申后也

正義又擲風簡今正義

有兔斯首

唯有一兔頭耳

正義引王肅孫毓

漸漸之石維其高矣山川悠遠維其勞矣

言遠征戎狄戍役不息乃更漸漸之高石長遠之

山川維其勞苦也

正義

武人東征不遑朝矣

武人王之武臣征役者言皆勞病東行征伐東國
以困病不脩禮而相朝上同

毛詩王氏注卷三

毛詩大雅

文王之什詒訓傳第二十三

文王文王受命作周也

文王受命九年而崩

正義云劉敞作三統歷考上世帝王以爲文王受命云云

班固漢書律歷志載其說於是賈逵馬融王肅韋昭皇甫謐悉皆同之

有周不顯帝命不時

天命之是也言時天下莫若文王

正義

陳錫哉周侯文王孫子文王孫子本支百世

文王能布陳大利以賜予人故能載行周道致有天下維文王孫子受而行之美其本支子孫言文王之功德其大宗與支子相承百世之道

商之孫子其麗不億上帝既命侯于周服

商之孫子有過億之數天配命文王則維于周服盛德不可爲衆

殷士膚敏

殷士有美德言見時之疾知早來服周也

禠將于京

殷士自殷以美德來歸周助祭行灌鬯之禮也

來嫁于周曰嬪于京

唯盡其婦道於大國耳

造舟爲梁不顯其光

造舟爲梁然後可顯著其光輝明文王之聖德於是可以王也

矢于牧野維予侯與

其衆雖叛殷我興起而滅殷

會朝清明

以甲子昧爽與紂戰不崇朝而殺紂天下乃大濟
明無復溺亂之政

爰始爰謀

於是始居之於是先盡人事謀之於衆

迺左迺右

乃左右開地致邑以居其民

並同上

度之薨薨

薨薨亟疾也

釋文

乃立冢土

冢土大社也

晉書禮志引毛公解云景侯解詩卽用此說宋書禮志作太社

柞棫拔矣行道兌矣混夷斃矣維其喙矣

柞棫生柯葉拔然時混夷伐周

王義

左右奉璋

羣臣從王行禮之所奉顧命曰太保奉璋以酢

追琢其章金玉其相

以與文王聖德其文如彫琢矣其質如金玉矣

惠于宗公神罔時怨神罔時恫

文王之德能上順祖宗安寧百神無失其道無所

怨痛

以御于家邦

以迎治天下之國家

不聞亦式不諫亦入

不聞道而自合於法無諫者而自入於道也然則
唯聖德乃然故云性與天合若賢智者則須學習
不能無過聞人之諫乃合道也

肆成人有德小子有造

文王性與道合故周之成人皆有成德小子未成

皆有所造爲進於善也

並同上

古之人無毀譽鬻斯士

鬻俊也古之人無厭於有譽之俊士也

釋文

言文王

性與古合

正義

維彼四國爰究爰度

彼四方之國乃在從之謀往從之居

正義

上帝耆之

惡桀紂之不德也

帝遷明德串夷載路

天以周家善於治國徒就文王明德以其由世習

於常道故得居是大位也並同上

自太伯王季

太伯見王季之生文王知其天命之必在王季故

去而適太王沒而不返而後國讓於王季周道大

興故本從太伯讓與王季是解見王季之意也正義

劉恕通鑑外紀
卷二引上四句

則友其兄則篤其慶載錫之光

王季能友稱太伯之讓意則天厚與之善錫文王

之大位也

正義

維此文王帝度其心

春秋左傳昭二十八年正義云今王肅注毛詩及韓詩亦作唯

此文王鄭注毛詩作維此王季詩正義云經涉亂離師有異讀後人因卽存之不敢追改今王肅注及韓詩亦作文王

密人不恭致距大邦侵阮徂共

密須氏姑姓之國也乃不恭其職敢興兵相逆大

國侵周地

正義

王赫斯怒爰整其旅以遏徂旅

密人之來侵也侵阮遂往侵共遂往侵旅故王赫

毛詩王氏注

卷三

姊妹館補校

斯怒於是整其師以止徂旅之寇侵阮徂共文次
不便不得復說旅故於此而見焉上曰徂共此曰
徂旅又爲周王之所禦其密人亦可知也省煩之
義詩人之微意也

依其在京侵自阮疆陟我高岡無矢我陵我陵我阿
無飲我泉我泉我池

密人乃依阻其京陵來侵自文王阮邑之疆密入
升我高岡周人皆怒曰汝無陳於我陵是乃我文
王之陵阿也泉池非汝之有勿敢飲食之

不長夏以革

非以幼弱未定長大有所改更言幼而有天性長
幼一行也

崇墉言言

高大言其無所壞

是伐是肆

至疾乃威有罪

並同上

四方以無拂

拂違也

釋文

三十一
十四卷六十一
詔厥孫謀

孫如字

釋文

生民之什詁訓傳第二十四

厥初生民實維姜嫄

馬融曰帝嚳有四妃上妃姜嫄生后稷次妃簡狄
生契次妃陳鋒生帝堯次妃媯訾生帝摯摯最長
次堯次契下妃三人皆已生子上妃姜嫄未有子
故禋祀求子上帝大安共祭祀而與之子任身之
月帝嚳崩摯卽位而崩帝堯卽位帝嚳崩後十月

而后稷生蓋遺腹子也雖爲夫所受然寡居而生子爲衆所疑不可申說姜嫄知后稷之神奇必不可害故欲棄之以著其神固以自明堯亦知其然故聽姜嫄棄之肅以融言爲然

正義

克禋克祀

外傳曰精意以享曰禋禋非燔燎之謂也

以赫厥靈上帝不寧不康禋祀居然生子

天以是顯著后稷之神靈降福而安之言姜嫄可謂禋祀所安無疾而生子

或歌或嘒

嘒徒擊鼓

敦弓既堅四鍤既鈞

此為養老燕射

室家之壺

其善道施於室家而廣及天下並同上

篤公劉

公號也劉名也正義釋文

既順迺宣

傳云宜徧也徧謂廬井

正義

逝彼百泉瞻彼溇原迺陟南岡乃覲于京

往之彼百泉之地乃視彼大原乃見是京而居之
可以避水禦亂也

其軍三單徹田爲糧

三單相襲止居則婦女在內老弱次之強壯在外
言自有備也徹泊也居其民衆於隰與原泊其田
疇以爲糧

度其夕陽幽居允荒

度其方陽之地幽國之居信廣大也

夾其皇澗遡其過澗

或夾或網所以利民也

件奐而游矣優游而休矣

周道廣大而有文章故君子得以樂易而來游優游而休息

鳳凰于飛翾翾其羽亦集爰止藹藹王多吉士

鳳凰雖是高飛傳天而亦集於所宜止故集止以亦傳天亦集止今能致靈鳥之瑞者以多士也欲

其常以求賢用吉士爲務也

我雖小子而式弘大

在王者之大位雖小子其用事甚大也

並同上

蕩之什詁訓傳第二十五

顛沛之揭

傳揭見根貌見如字言可見

釋文

念我土宇

乃念天下居土之不安

正義

其何能淑載胥及溺

如今之政其何能善但君臣相陷溺而已同上

好是家嗇力民代食釋文云尋鄭家嗇二字本皆無禾者

家音稼謂耕稼也嗇謂收穡也釋文當好知稼穡之

艱難有功力於民代無功者食天祿也正義

家嗇維寶代食維好

能知稼穡之事唯國寶也使能者代不能者食祿

則政唯好正義

進退維谷

進不遇明君退不遇良臣維以窮同上

覆狂以喜

狂居況反

釋文

既之陰女反予來赫

陰如字謂陰知之

釋文

我陰知汝行矣乃反來赫

我欲有以退止我言者也

正義

民之罔極職涼善背

民之無中和主爲薄俗善相欺背

正義

民之回過職競用力

今民之爲邪僻乃主相與用力爲之

同上

毛詩王氏注

卷三

十一 如姑節有杉

十四卷七十一

倬彼雲漢

倬著也

釋文

后稷不克上帝不臨耗斁下土寧丁我躬

后稷不能福祐我邪上帝不能臨饗我邪天下耗

敗當我身邪

正義

靡人不周無不能止

靡大而不周其急也無不能而止者其發倉廩散

積聚有分無多分寡敢有不能而止者言上下同

也

云如何瘵

持文里本亦作瘵爾雅推作毳並同引王作瘵

瘵病也

釋文

大夫君子昭假無贏大命近止無棄爾成

大夫君子公卿大夫也昭其至誠於天下無敢有私瀆之而不敷散大夫君子所以無私贏者以民

近死亡當賑救之以全汝之成功

正義

王命召伯定申伯之宅

召公爲司空主繕治

錫爾介圭以作爾寶

寶瑞也桓圭九寸諸侯圭之大者所以朝天子

正義

其風肆好以贈申伯

釋文云贈詩之本皆爾鄭王申毛並同

風如字音也

釋文

邦國若否

石方九反不也

釋文

伊懷靡及

伊山甫雖有柔利明知之德猶自謂無及

正義

淑旂綏章

章所以爲表章

韓侯取妻汾王之甥蹶父之子

傳云汾大也蹶父卿士也大王王之尊稱也知蹶父卿士者以韓侯娶妻必於貴家蹶氏父字不書國爵則非諸侯下言靡國不到則是爲王聘使之

人故知卿士也

並同上

慶旣令居

令力政反善也

釋文

溥彼韓城燕師所完

燕烏賢反北燕國

釋文引王肅孫毓學紀聞卷三引云燕

北燕國王應麟困

今涿郡方城縣有韓侯城世謂寒號

鄭道元水經注卷十三聖

水引

王肅

然常武召穆公美宣王也有常德以立武事因以爲戒

王不親行

正義

南仲大祖大師皇父

皇父以三公爲撫軍也殊南仲於王命親兵也

三事就緒

就其事業亦當謂民得就業

並同上

鋪敦淮漬

敦如字厚也

釋文

哲夫成城

傳云哲知也知如字

釋文

舍爾介狄維予胥忌

舍爾大道遠慮反與我賢者怨乎

正義

毛詩王氏注卷四

毛詩周頌

清廟之什詒訓傳第二十六

周公攝政成王之車年

正義

於穆不已

行簡不已

正義云王肅述毛亦爲不已與鄭同也

假以溢我

溢順

釋文引王肅及崔

念茲戎功繼序其皇之

武王得天下因殷諸侯無大累於其國者就立之
序繼也思繼續先人之大功而美之正義

有夷之行

行下孟反

釋文引王徐

成王不敢康

王如字

釋文

夙夜基命宥密

言其脩德常如始易曰日新之謂盛德

正義

展式刑文王之典日靖四方伊嘏文王既右於之

善用法文王之常道日謀四方維天乃大文王之

德既祐助而敢饗之

同上

臣王之什詒訓傳第二十七

奄觀銍艾

奄如字

釋文引王徐

奄同也

正義

既昭假爾

假音格

釋文引鄭王

終二十里

三十里天地合所之而三十則天下徧

正義

相維辟公天子穆穆

來助祭者維國君諸公天子穆穆然以美德爲之

王

同上

於薦廣仕

於音烏

釋文

齊定爾功

致定其大功詠紂定天下

正義

閔予小子之什詒訓傳第二十八

閔予小子嗣王朝於廟也

周公致政成王嗣位始朝於廟之樂歌正義

閔予小子遭家不造嬖嬖在疚

病乎我小子乃遭家之不爲言先王崩則家事莫爲徒嬖嬖在憂而病故周公代爲家事以致太平將予就之繼猶判渙

將予就繼先人之道業乃分散而去言三才不能

繼同上

命不易哉

易以豉反釋文

莫予非蜂自求辛螫

以言才薄莫之藩援則自得辛螫正義

肇允彼桃蟲拚飛維鳥

言患難宜慎其小是謂將來患難非悔不誅管蔡也

未堪家多難予又集于蓼

非徒多難而已又多辛苦是說將來之事對多難

為文蓼辛苦之菜故云又集于蓼言辛苦也

干耦其耘徂隰徂畛

有隰則有原言眇新可見美其陰陽和得同時就
功也

絲絲其庶

芸者其衆絲絲然不絕也

並同上

以薺茶蓼

茶陸草蓼水草

正義 爾雅釋草那昂
疏引上句云茶陸穢草

於燦王師遵養時晦時純熙矣是用大介

於乎美哉武王之用衆也率以取是昧謂誅紂定
天下以除昧也於是道大明是用有大犬言太平

三言三行

十四卷七十八

也正義

我龍受之躋躋王之造載用有嗣

我周家以天人之和而受殷用武德嗣文之功

於昭于天皇以闕之

於乎周道乃昭見於天故用美道代殷定天下

上

於繹思

於音烏釋文

於皇時周陽其高山

美矣是周道已成天下無違四面巡岳升祭其高

山

正義

毛詩魯頌

駟之什詒訓傳第二十九

當文公時賢臣季孫行父請于周而令史克作頌

四篇以祀

正義

思馬斯徂

徂往也所以養馬得往古之道

永錫難老願彼長道屈此羣醜

天長與之難老之福乃能順彼仁義之長道以斂

此羣衆

並同上

桓桓于征狄彼東南

狄他歷反遠也

釋文

率其威武往征遠服東南謂淮

夷來服也

正義

蒸蒸皇皇不吳不揚

釋文云王音吳作吳

吳音話

釋文

言其人德厚美不過誤有傷者正義

戎車孔博

博如字大也

釋文徐引云王同

是生后稷降之百禰黍稷重穡稂莠救麥

謂受明哲之性長於稼穡是言天授之智慧爲與

之福也

正義

奄有下國俾民稼穡

堯命以后稷使民知稼穡下國同時有此大功也

無貳無虞上帝臨女

天下歸周無貳心無疑誤上帝錫命汝

並同上

敦商之旅

敦都門反厚也

釋文引王徐

犧尊將將

犧許宜反尊名也

釋文

將將盛美也太和中魯郡於

地中得齊大夫子尾送女器有犧尊以犧牛爲尊

然則象尊尊爲象形也

正義

松栊有舄路寢孔碩

言無刻飾文章徒見松栊疆大至牢固

正義

新廟奕奕奕斯所作

僖公以庶兄後閔公爲之立廟奕奕盛大美其作

之中禮能自儉而崇大宗廟

同上

毛詩商頌

那之什詒訓傳第三十

湯孫奏假綏我思成

湯之爲人子孫能奏其大樂以安我思之所成謂

萬福來宜天下和平

正義

頌予烝嘗湯孫之將

言嘉客頌我烝嘗而來者乃湯爲人子孫顯大之所致也

贊我思成

毛詩王氏注

卷四

七

如媛館詩校

四卷八十一

先祖賜我思之所欲成也

並同上

來假來饗

假至也

釋

先祖考來至來享嘉薦

正義

顧予烝嘗湯孫之將

祭中宗而引湯者本王業之所起也

正義

奄有九有

同有九州之貢賦也

商之先后受命不殆在武丁孫子

殷質以名篇商之先君成湯受天命所以不危殆

者在武丁之爲人孫子也

肇域彼四海

殷道衰四夷來侵至高宗然後始復以四海爲境

域也

並同上

景員維河

河河水

釋文

長發大禘也

大禘殷祭謂禘祭宗廟非祭天也

正義

釋文引王云殷祭也

游哲維商

傳云深知乎維商家之德也知音智

釋文

外大國是疆幅隕既長

外諸夏大國也京師爲內諸夏爲外言禹外盡九

州境界禹平治水土中國既廣已平均且長也正義

相土烈烈海外有截

相土能繼契四海之外截然整齊而治言有烈烈

之威則相土在夏爲司馬之職掌征伐也說春秋

者亦以太公爲司馬之官故得征五侯九伯同上

昭假遲遲

假音格至也

文釋

受小共大共爲下國駿龐何天之龍

言湯爲之立法成下國之性使之大厚乃荷在天

之和道也

正義

有截其所湯孫之緒

於所伐截然天治是湯爲人子孫之業大武丁之

伐與湯同

松栝有榑旅楹有閑

栝楹以松柏爲之言無彫鏤也陳列其楹有閑大

毛詩王氏注

卷四

貌並同

十四卷八十三